

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» հոկտեմբերի 2012թ.

N__-Ա

ՈՐՈՇՈՒՄ

ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

Ղեկավարվելով Հայաստանի Հանրապետության հողային օրենսգրքի 71-րդ հոդվածի 3-րդ կետով, Հայաստանի Հանրապետության կառավարության 2001 թվականի ապրիլի 12-ի N286 որոշմամբ հաստատված կարգի 32-րդ կետով՝

Երևան քաղաքի ավագանին որոշում է.

Տալ համաձայնություն՝ քաղաքացի Արմեն Բունիաթյանին սեփականության իրավունքով պատկանող, Ավան վարչական շրջանի Քուչակ թաղամասի հ.31/8 հասցեում գտնվող 1713.97քմ մակերեսով հողամասը (անշարժ գույքի սեփականության (օգտագործման) իրավունքի գրանցման 03.04.2008թ. հ.2587193 վկայական) Երևան համայնքի սեփականությունը հանդիսացող Երևան-Աշտարակ ավտոճանապարհին կից «Հուսո Ավանի» հարևանությամբ գտնվող համարժեք 1713.97քմ մակերեսով հողամասի հետ փոխանակելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Քննարկվող նախագծով նախատեսվում է սեփականության իրավունքով (անշարժ գույքի սեփականության (օգտագործման) իրավունքի գրանցման 03.04.2008թ. հ.2587193 վկայական), քաղաքացի Արմեն Վոլոդյայի Բունիաթյանին պատկանող Ավան վարչական շրջանի Քուչակ թաղամասի հ.31/8 հասցեում գտնվող 1713.97քմ մակերեսով հողամասը փոխանակել Երևան համայնքի սեփականությունը հանդիսացող Երևան-Աշտարակ ավտոճանապարհին կից «Հուսո Ավանի» հարևանությամբ գտնվող համարժեք 1713.97քմ մակերեսով հողամասի հետ:

Արմեն Բունիաթյանը բազմիցս դիմել է Երևանի քաղաքապետարան Քուչակ թաղամասի հ.31/8 հասցեում գտնվող 1713.97քմ մակերեսով հողամասի վրա շինարարություն կատարելու թույլտվություն ստանալու խնդրանքով: Սակայն հաշվի առնելով հարակից շենքերի բնակիչների բազմաթիվ խնդրանքը և այն հանգամանքը, որ Երևան համայնքի վարչական շրջանները, այդ թվում նաև Ավան վարչական շրջանը, իրականացնում են բազմաբնակարան բնակելի շենքերի ներբակային և հարակից տարածքների կանոնակարգման /բարեկարգման, կանաչապատման, մանկական խաղահրապարակների կազմակերպման և այլն/ ծրագրեր և այդ ծրագրերից մեկի շրջանակներում է հայտնվել նաև Արմեն Բունիաթյանին վերը նշված հասցեում սեփականության իրավունքով պատկանող հողամասը՝ վերջինիս խնդրանքը չի բավարարվել:

Ստեղծված իրավիճակում խնդրի կարգավորման նպատակով Արմեն Բունիաթյանին առաջարկվել է սեփականության իրավունքով իրեն պատկանող, Ավան վարչական շրջանի Քուչակ թաղամասի հ.31/8 հասցեում գտնվող 1713.97քմ մակերեսով հողամասը փոխանակել Երևան համայնքի սեփականությունը հանդիսացող Երևան-Աշտարակ ավտոճանապարհին կից «Հուսո Ավանի» հարևանությամբ գտնվող համարժեք 1713.97քմ մակերեսով /ծածկագիր 01-004-056-001/ հողամասի հետ:

Տեղի ունեցած բազմաթիվ բանակցությունների արդյունքում, հողամասերի փոխանակման վերաբերյալ հաջողվել է ձեռք բերել Ա.Բունիաթյանի համաձայնությունը:

Քննարկվող հողամասերը համարժեք են, համապատասխանում են Հայաստանի Հանրապետության հողային օրենսգրքի 64-րդ հոդվածի 2-րդ կետի 1), 2) և 3) ենթակետերի պահանջներին, ընդգրկված չեն նույն օրենսգրքի 60-րդ հոդվածի սահմանափակումների ցանկում և ըստ տարածագնահատման սխեմայի գտնվում են 7-րդ գոտում:

Հայաստանի Հանրապետության կառավարության 2009 թվականի դեկտեմբերի 24-ի N1517-Ն որոշմամբ Երևանի քաղաքային համայնքի վարչական սահմաններում գտնվող պետական սեփականություն հանդիսացող հողամասերն անհատույց սեփականության իրավունքով փոխանցվել են Երևան համայնքին:

Համաձայն Հայաստանի Հանրապետության հողային օրենսգրքի 71-րդ հոդվածի 3-րդ մասի և Հայաստանի Հանրապետության կառավարության 2001թ. ապրիլի 12-ի N286 որոշմամբ հաստատված կարգի 32-րդ կետի՝ համայնքի վարչական սահմաններում՝ համայնքի սեփականությունը հանդիսացող հողամասերը փոխանակվում են համայնքի ավագանու համաձայնությամբ՝ համայնքի ղեկավարի որոշման հիման վրա:

Ելնելով վերոգրյալից նախապատրաստվել է Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագիծ:

ՏԵՂԵԿԱՆՔ

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ
ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման առնչությամբ առաջանում է Երևան քաղաքի ավագանու որոշման կատարումն ապահովելու մասին Երևանի քաղաքապետի որոշում ընդունելու անհրաժեշտություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱՅՑՈՒԹՅԱՄԲ ԵՐԵՎԱՆ ՀԱՄԱՅՆՔԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման կապակցությամբ Երևան համայնքի բյուջեում եկամուտների և ծախսերի փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ